



Kon pa studia Beibel

**Lès 2 – Informashon Básiko Tokante
Beibel**

Kiko nos tei hasi awe?

- **Tarea pa kas**
- **Versíkulo ku mester a memorisá**
- **Preguntanan tokante Lès 1**
- **Lès 2 – Informashon Básiko Tokante Beibel**
- **Evaluashon propio**
- **Tarea pa otro siman**

Tarea pa kas

Duna 2 motibu dikon mester studia Beibel. Sostené tur dos motibu ku 1 versíkulo. No laga bo kontesta ta mas largu ku $\frac{1}{4}$ A4. Uza Font Size 12.

Versíkulo pa memorisá

2 Timoteo 3:16-17

16. Tur Skritura ta inspirá pa Dios i ta útil pa siñansa, pa reprendementu, pa korekshon, pa eduká den hustisia, **17.** pa e hende di Dios por ta perfekto, ekipá pa tur bon obra.

Lès 2 – Informashon Básiko Tokante Beibel

- 1. Duna dos karakterístika di Beibel ku ta indiká ku Beibel ta e Palabra berdadero di Dios.**
- 2. Kon Beibel a wòrdu skibí i nombrá?**
- 3. Kua ta e faktornan prinsipal ku ta krea e unidat den e Beibel?**

Pregunta importante #1 & #2

Pa ken e Beibel ta skibí?

**Kiko ta e propósito di e
Beibel?**

Romanonan 15:4

**Pasobra tur loke a wòrdu
skirbí promé aya a wòrdu
skirbí pa nos instrukshon, pa
dor di pèrseveransia i e
enkurashamentu di
Skrituranan nos por tin
speransa.**

**1. Duna dos
karakterística di
Beibel ku ta indiká ku
Beibel ta e Palabra
berdadero di Dios.**

Inspirashon

Beibel ta diferente for di otro 'skrituranan sagrado' den vários aspekto:

- E Beibel ta skibí pa mas ku 40 outor den un periodo di mas o ménos 1600 aña.**
- E Beibel ta bisa bon kla ku E ta inspirá pa Dios**
- E Dios di Beibel ta e Dios ku no ta papia un biaha so pero kontinuamente**

Inspirashon ta...


**...e influensia sobrenatural
di Spiritu Santu pa guia
hendenan ku a wòrdu
selektá di un forma divino
den loke nan ta skibi**

2 Pedro 1:20-21


Ma komprenyé esaki promé ku tur kos, ku ningun profesia di Skritura no ta un asunto di interpretashon personal, pasobra nunca profesia no a wòrdu duná pa medio di e boluntat di hende, ma hòmbènan santu di Dios a papia, inspirá dor di Spiritu Santu.

Algún konseptu robes di inspirashon di Dios Su Palabra

- **Tin hende ta kere ku Dios a dikta hendenan ku a skirbi Beibel palabra pa palabra, sin ku nan a pensa tokante e palabranan.**
- **Otro ta kere ku e eskritornan tabata nada mas ku mashinnan sin libertat di eskoho.**




**E outoridat
di e Palabra
di Dios**



**1. Duna dos
karakterística di
Beibel ku ta indiká ku
Beibel ta e Palabra
berdadero di Dios.**

Kontesta riba pregunta 1

1. E Beibel ta inspirá pa Dios. E outornan a skibi bou di inspirashon di Spiritu Santu. E Beibel ta e úniko buki sagrado ku ta indiká bon kla ku E ta inspirá pa Dios mes.
2. Henter e Beibel tin e outoridat máksimo i ta konfiabel.



**2. Kon Beibel a
wòrdu skibí i
nombrá?**

Beibel

- Beibel ta bin for di e palabra griego ‘biblia’, kual ta nifiká ‘bukinan’
- Pa hopi aña e bukinan den e Beibel tabata wòrdu yamá ‘e Bukinan’, despues ‘e Buki’
- E nifikashon di e nòmber Beibel ta bini dor ku e ta kontené 66 buki, kual ta forma e Skritura Santu.

E palabra 'kanon'


- Kanon ta e palabrá uzá pa deskribí e bukinan rekonosé komo inspirá pa Dios.
- Kanon ta un grupo di buki ku e iglesia antiguo a rekonosé komo e base pa nan fe i nan práktikanan.
- E palabra original na griego ta nifiká: Un bara/palu stret

Algún echo di e kanon:

- No ta skibí niun kaminda ku un patriarka promé ku Moises a skibi literatura sagrado
- Despues a bini otro eskritornan di Tèstamènt Bieu
- A tuma mas ku 1000 aña pa skibi Tèstamènt Bieu
- E formashon di e kanon di Tèstamènt Nobo tabata un prosesu, no un evento



Video Wycliffe Bible Translator



**2. Kon Beibel a
wòrdu skibí i
nombrá?**

Kontesta riba pregunta 2

- E Beibel ta skibí pa mas ku 40 outor den un periodo di mas o ménos 1600 aña. E kanon di Tèstament Bieu tabatei kaba den tempu di Hesus. E kanon di Tèstament Nobo a keda formá pa e konsilio na Carthage na aña 397
- Beibel su nòmber ta devirá for di e palabra griego 'biblia' ku ta nifiká bukinan

**3. Kua ta e faktornan
prinsipal ku ta krea e
unidat den e Beibel?**

Tèstamènt Bieu i Nobo

- **Beibel tin 66 buki: 39 den Tèstamènt Bieu i 27 den Tèstament Nobo**
- **E ta 66 buki, pero tòg e ta ún buki, ún historia i ún kuenta**
- **Beibel ta bai tokante Dios Su plan di salbashon pa humanidat**
- **Tèstamènt Bieu i Nobo ta kompletá otro**

E figura sentral ta Kristu Hesus

- El a aparesé den forma humano na diferente okashon
- Hesus ta referí na djE komo Esun ku mester bini, e Mesias
- Tur e bukinan den Tèstament Bieu ta mustra/ilustrá Hesus di un forma òf otro
- Tèstamènt Nobo ta konta di binida di Kristu i ta kumpli ku e profesianan di Tèstamènt Bieu.

E grupo di bukinan den Beibel

Tèstamènt Bieu		
Lei	Genesis – Deutoronomio	5
Historia	Josué – Ester	12
Poesía	Job – Kantika di Salomon	5
Profesía		
Profetanan mayor (grandi)	Isaias – Daniel	5
Profetanan menor (chikí)	Oseas – Malakias	12

E grupo di bukinan den Beibel

Tèstamènt Nobo		
Evangelionan	Mateo – Juan	4
Historia	Echonon	1
Epestelnan		
Pablo	Romanonan – Filemon	13
General	Hebreonan – Hudas	8
Profesía	Revelashon	1

Revelashon Progresivo

- Revelashon progresivo ta nifiká ku nos ta siña kada bes mas i mas di Dios, Su karakter, i Su forma di atendé ku hende den kada buki di Tèstament Bieu.
- E revelashon di Dios i Su plan di salbashon hasi kompletu i finalmente den e binimentu di Su úniko Yu, Hesukristu.

Hebreonan 1:1-2

Dios, despues ku El a papia hopi tempu pasá ku e tatanan pa medio di e profetanan, na hopi okashon i na varios manera, den e último dianan aki a papia ku nos pa medio di Su Yu, Kende El a nombra komo eredero di tur kos, pa medio di Kende tambe El a traha mundu.

**3. Kua ta e faktornan
prinsipal ku ta krea e
unidat den e Beibel?**

Kontesta riba pregunta 3

- Tèstamènt Bieu ta pronostiká loke ta bai sosodé den Tèstamènt Nobo, i Tèstamènt Nobo ta splika i kumpli ku e aliansa bieu.
- Tin solamente un figura sentral, kual ta Hesukristu. E ta bini dilanti den tur buki.
- Den Beibel tin un revelashon progresivo, kada bes bo ta siña mas di Dios

Tarea pa kas

- Repasá lès 2 i prepará lès 3
- Memorisá Salmo 119:130
- Hesukristu ta bini dilanti den tur buki di Beibel. Splika kon Hesukristu ta bini dilanti den e buki di Filemon. No skibi mas ku $\frac{1}{4}$ A4. Uza font size 12.